

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807759491 և 1807794086 որոշումների հիմքում դրված փաստական հանգամանքների դեմ բերված զանգատն առանց բավարարման թողնելու մասին, իսկ 05.03.2018թ. թիվ 1807708110 որոշումը բեկանելու և վարչական վարույթը կարճելու մասին

<<08>> 05 2018թ. 17-13-50234-18/17-13-295

ք. Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Լևոն Խաչատրյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Բակունցի փողոց 13/1 շենքի 43 բնակարանի բնակիչ Լևոն Խաչատրյանը դիմումով հայտնել է, որ Renault մակնիշի 35 FX 737 հաշվառման համարանիշի ավտոմոբիլը վարել է ինքը և խնդրել վերանայել տվյալ ժամանակահատվածում կատարված երթևեկության կանոնների խախտման համար կայացված վարչական տույժ նշանակելու մասին թիվ 1807708110, 1807759491 և 1807794086 որոշումները՝ նշելով, որ համաձայն չէ իրավախախտումների հետ:

<<Վարչական իրավախախտումների վերաբերյալ>> ՀՀ օրենսգրքի 286-րդ հոդվածի 1-ին մասի համաձայն Լևոն Խաչատրյանը ճանաչվել է որպես խախտումները կատարած անձ, ուստի նրա կողմից ներկայացված զանգատը ենթակա է քննության:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 6-րդ հոդվածի 2-րդ մասի համաձայն՝ իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է հոգուտ անձի:

Թիվ 1807759491 և 1807794086 որոշումների հիմքում դրված տեսանյութերը փաստում են, որ ամրագրված արարքների հատկանիշների և իրավախախտումների հատկանիշների համապատասխանությունները կասկած չեն հարուցում և դրանց համար <<Վարչական իրավախախտումների վերաբերյալ>> ՀՀ օրենսգրքով նախատեսված է վարչական պատասխանատվություն:

Թիվ 1807759491 որոշման հիմքում դրված տեսանյութը փաստում է նաև, որ 1.1՝ <<Հոծ-գիծ>> գծանշումը տեսանելի է երթևեկության մասնակիցների համար:

05.03.2018թ. թիվ 1807708110 որոշումով արձանագրված իրավախախտումն ամրագրած տեսանյութի լրացուցիչ ուսումնասիրմամբ պարզվել է, որ իրավախախտման փաստի առկայությունը համարվել է կասկածելի, հետևաբար վերը նշված որոշումը ենթակա է բեկանման:

Ելնելով վերոգրյալից, ղեկավարվելով Վարչարարության հիմունքների և վարչական վարույթի մասին ՀՀ օրենքի 63-րդ հոդվածի 1-ին մասի <<ա>> կետով, Վարչական իրավախախտումների վերաբերյալ 286-րդ հոդվածի 1-ին մասով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 05.03.2018թ. թիվ 1807708110 որոշումը բեկանել և վարչական իրավախախտման վերաբերյալ գործը կարճել:

2. Լևոն Խաչատրյանի՝ Ճանապարհային ոստիկանության թիվ 1807759491 և 1807794086 որոշումների հիմքում դրված փաստական հանգամանքների դեմ բերած զանգատը թողնել առանց բավարարման:

3. Հանձնարարել ՏՄՀԽԱ կենտրոնին՝ Լևոն Խաչատրյանի անվամբ կայացնել նոր վարչական ակտեր:

4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

5. Սույն որոշման օրինակն ուղարկել Լ.Լևոն Խաչատրյանին և ՏՄՀԽԱ կենտրոն:



Ե. Կարամյան